

Bullies.

Unfortunately, giving people a taste of their own medicine can become addictive.

“Never let the bullies beat ye,”
Said the mother tae her son.
“Dinnae let their spite defeat ye.
Never let them think they’ve won.”

“Never let the bullies brek ye,”
Said the faither tae his boy.
“If ye’re weak they will select ye
Tae distress, mock, an destroy.”

Guid advice his parents gied him:
“Stand up bravely, never run.”
Soond advice that should hae freed him,
But, aye easier said than done.

In the hinner end he tamed them.
In the end he fund his feet.
Aw thae bullies, weel he shamed them!
Ah, but victory wis sweet!

Nae sage advice fae man nor wumman
Did the deal for him ataw.
Oor hero triumphed by becomin
The cruellest bully o them aw!